



DEO OPTIMO, MAX.  
UNI ET TRINO,

VIRGINI DEIPARÆ, ET S. LUÆ,  
Orthodoxorum Medicorum Patrono.



QUÆSTIO MEDICA,

QUODLIBETARIIS DISPUTATIONIBUS  
manè discutienda, in Scholis Medicorum, die Jovis decimā-  
quartā Novembris 1726.

M. FRANCISCO MERY,  
Doctore Medico, Præsides.

*An cordis motus à durâ Meninge?*

I.



IRABILIS cordis motus. Duplex est  
Diastole & Systole; inter quos quies  
aliqua. Istius motus causa, non à ca-  
lore insito, non à sanguine. Demonstrat  
avulsi cordis & exsecti in ranis & vipe-  
ris, æstate potissimum, ordinata pulsa-  
tio. Non ab ebullitione aut effervescencia sanguinis

proficiscitur; hæc etenim cruori ad extremas corporis partes ducendo & ad cor revehendo impar. Undenam igitur cordis motus? ab instrumento spiritus animales exprimente, & in cæteras vi quadam protrudente nascitur.

## II.

**C**OR musculum esse nemo est qui negaverit. Suum mutuatur motum à spiritibus seu partibus tenuissimis & actuosis. Duplex in hocce musculo fibrarum ordo. Obliquæ omnes, sed aliæ à dextra in lævam, aliæ ad dextram spirali ductu procedunt; Basis ex villorum tendinibus conflatur. Ab harumce fibrarum dilatatione & contractione cordis contractio & dilatatio. A voluntatis imperio nullatenus pendent, sed à solâ mechanicâ & à spirituum energiâ oriuntur.

## III.

**M**EMBRANA autem dura Meninx appellata est instrumentum spiritus animales exprimens è cerebro, & in musculos propellens. Ista cor cerebri meritò nuncupari potest. A variis quibus conflatur fibrarum ordinibus systoles & diastoles motu potitur. Cerebri substantiam undequaque vestit, hanc in duos lobos dividit, à cerebello distinguit, tendinosa facta in spinam elongatur. In ipsius superficie concavâ fibrarum lacerti in falcem desinentes, versusque partem posteriorem præprimi tendinosi innotescunt. Superficiæ convexæ pars inferior & tenuior basi cranii validè affigitur; pars superior rariùs & laxiùs ossibus adhæret. In toto proinde cranio aliæ sunt partes quibus dura Meninx tenacissimè, aliæ quibus minus firmiter, aliæ quibus nihil prorsus hæret.

**E**X istâ mechanice dura Meninx malè audit, quoad usum, cerebri tegumentum. Nulli liquores, vel spiritus animales, de loco in alium moveri queunt, nisi impellente aliquo corpore solido. Dura mater cerebri premendo, genuinus est succi nervosi motor. Ut cor sanguini, ita dura Meninx spiritibus animalibus. A ratione absolum est spiritus animales, veluti aquam ex alambice in nervos exstillare. Ex se tenuior est succus nervosus, ut possit proprio pondere deorsum ferri. Hujusce secretioni & motui necessarium est aliquod corpus impellens. Hoc præstat dura Meninx, elateris ad instar nunc sese contrahens, nunc relaxata ordinatos systoles & diastoles motus edit, à quibus cerebri successiva pressio. Singularis est cordis cum dura matre consensio; eodem tempore pulsât utrumque. Læsâ durâ Meninge cor afficitur, non verò vicissim. Meningis inde in cor intelligitur imperium.

## V.

**D**URÆ Meningis itaque systole & diastole succus nerveus exprimitur, ad cor propellitur, ut hujus musculi motum promoveat. Proprio robore sulca dura mater sibi metipsi sufficit. Cor è contrâ præter suam mechanicam plurimis indiget adminiculis, aëris scilicet in pulmones appulsu, valvularum in venis opportunitate, continuâ in motibus quotidianis musculorum contractione. Hæc omnia desunt, nec prosunt duræ Meningi. Motus iste per totam membranæ peripheriam æqualis non arteriarum pauciorum pulsationi, sed potius singulari istius constructioni & elateri tribuendus. Duræ Meningis eadem est ratio ac horologii, quod sine ullo liquidi impulsu ob peculiarem rotarum, fusorum, elateris, aliarumque partium solidarum structuram ordinatos motus absolvit.

*Ergo cordis motus à durâ Meninge.*

## Domini Doctores Disputaturi.

*M. Joannes Bessé, Doct-  
ria Hispaniarum Re-  
gine à Consiliis, &  
M. d. cus Primarius.*

*M. Joannes - Baptista  
Thomas Marineng.*

*M. Claud'us Burlet, Re-  
gia Scientiarum Aca-  
demie Socius, & His-  
paniarum Regis olim  
Medicus.*

*M. Antonius de Jussieu,  
Regia Scientiarum  
Academie Socius, &  
Botanices in Horto  
Regio Parisiensi Pro-  
fessor.*

*M. Franciscus Pouffe.*

*M. Alexander - Petrus  
Maitot, Rei Herba-  
ria Professor.*

*M. Joannes - Baptista  
Silva, Serenissimi Du-  
cis Borbonii Medicus  
Ordinarius.*

*M. Thomas Bertrand.*

*M. Petrus - Joannes Bu-  
rette, Professor Regius,  
& à Regia Numisma-  
tum Academia.*

Proponebat Parisiis, DESIDERIUS - CLAUDIUS  
FRÉMONT, Parisinus, Baccalaureus Medicus, A. R. S. H.  
M DCCXXVI. à sextâ ad meridiem.

---

Typis J. QUILLAV, Universitatis & Facultatis Medicinæ Typographi.